


আ খ শ দী



'মানবজাতির জন্য জগতে আজ
কুরআন ব্যতিরেকে আর কোন বীর্ভূত
নাই এবং আদম সন্তানের জন্য বর্তমানে
মোহাম্মাদ মোস্তফা (সা:) জির কোন
রসূল ও খেফায়াতকারী নাই। অতএব
তোমরা সেই মহা গৌরব-সম্পন্ন নবীর
সহিত প্রেমসূত্রে আবদ্ধ হইতে চেষ্টা কর
এবং অন্য কাহাকেও তাহার উপর কোন
প্রকারের ভ্রেষ্ট প্রদান করিও না।'
—হযরত মাদিসহ মওউদ (আ:)

সম্পাদক :— এ, এইচ, মুহাম্মদ আলী আনওয়ার

নব পর্যায়ের ২৮শ বর্ষ : ৭ম সংখ্যা

৩০শে আশ্বিন, ১৩৮১ বাংলা : ১৫ই আগষ্ট, ১৯৭৪ ইং : ২৪শে রজব, ১৩৯৪ হি: কা:
বার্ষিক টাঁদা : বাংলাদেশ ও ভারত : ১৫'০০ টাকা : অষ্ট্রাশ্ব দেশ : ১ পাউণ্ড

স্মৃতিপথ

পাঙ্কিক
আহমদী

২৮শ বর্ষ
৭ম সংখ্যা

বিষয়	পৃষ্ঠা	লেখক
○ জুমার খোৎবা : আমরা ঘোষণা করিতেছি, আমরা মুসলমান	১	হযরত মির্থা নাসের আহমদ, খলিফাতুল মসিহ সালেম (আইঃ) অনুবাদ : মৌঃ আহমদ সাদেক মাহমুদ
○ সংবাদ : বহা : ত্রাণ তৎপরতা : আমাদের কর্তব্য :	কভার পেজ	সংকলন : শাহ মুস্তাফিজুর রহমান

দোয়ার আবেদন

বন্ধুগণ অবগত আছেন যে আমাদের
শ্রদ্ধেয় আমীর মোহতরম মৌঃ মোহাম্মদ সাহেব
৭ই জুলাই তারিখ হইতে প্রস্রাব বদ্ধতার রোগে
আক্রান্ত হইয়া শয্যাগত আছেন।

বিশেষজ্ঞ ডাক্তারের পরামর্শ অনুযায়ী জনাব

আমীর সাহেবকে ঢাকা মেডিক্যাল কলেজ
হাসপাতালে ভর্তি করা হইয়াছে। তাঁহার
যথাশীঘ্র পূর্ণ আরোগ্য লাভের জন্ত বন্ধুদের
নিকট বিশেষভাবে দোয়ার আবেদন জানান
যাইতেছে।

بِسْمِ اللَّهِ الرَّحْمَنِ الرَّحِيمِ
نحمدُه و نصلی علی رسولہ الکریم

জুমার খোৎবা :

আমরা ঘোষণা করিতেছি : আমরা মুসলমান

—হযরত হাফেয ঘিযা নাসের আহমদ,
খলিফাতুল মসিহ সালেস (আইঃ)

(২১শে জুন, ১৯৭৪ ইং তারিখে রবওয়ার প্রদত্ত জুমার খোৎবা)

মানবীয় বুদ্ধি ও প্রজ্ঞা, প্রকৃতি ও বিবেক, ভদ্রতা ও শালীনতা এবং বিভিন্ন সময়ে আল্লাহতায়ালার তরফ হইতে অবতীর্ণ কোন ধর্মই কোন সরকারকে মানুষের হৃদয়ের উপর হুকুম জারী করার অনুমতি দেয় না।

ইহা একটি এতই সহজ ও সুস্পষ্ট বিষয় যে, খোদাতায়ালার অস্বীকারকারী নাস্তিকগণও মানব জীবনের এই বাস্তব সত্যটি স্বীকার না করিয়া পারে না।

জাতিসংঘের মানবাধিকার সনদ এবং পাকিস্তানের সংবিধান উভয়ই প্রত্যেকটি মানুষের এই মৌল অধিকারকে স্বীকৃতি দান করে যে, প্রত্যেক ব্যক্তিই তাহার নিজস্ব ধর্মমত ও বিশ্বাস সম্বন্ধে সিদ্ধান্ত ঘোষণা করিতে পারে।

পাকিস্তানের সংবিধান সরকারকে, আহমদীগণ মুসলমান কি না, এ ব্যাপারে কোন রকম সিদ্ধান্ত গ্রহণ করার অনুমতি দেয় না, বরং উহা প্রত্যেক আহমদীকে এই ঘোষণা করার অধিকার দেয় যে, সে মুসলমান।

তাশাহুদ, তায়াউয এবং সুরা ফাতেহা পাঠের পর হুজুর (আইঃ) বলেন :

গত কয়েকদিন হইতে প্রখর গরম পড়িয়াছে। আজ যদিও মৌসুম অপেক্ষাকৃত কিছুটা ভাল, কিন্তু বন্ধুগণ জানেন যে, গরম আমাকে কষ্ট দেয় এবং আমাকে অসুস্থ করিয়া তোলে। বন্ধুগণ দোয়া করুন, আল্লাহ তায়ালা যেন

গরমকে আদেশ দেন যে, উহা যেন আমাকে পীড়া না দেয়। ইহা আল্লাহ তায়ালা কুদরত ও ক্ষমতার আওতাভুক্ত। তেমনিভাবে আল্লাহ তায়ালা যেন আমাকে দ্বীনের এমন খেদমত করার তৌফিক দান করেন, যাহা তাহার নিকট গৃহীত হয়; এবং জামাতের বন্ধুগণের সকল উদ্বেগ, অশান্তি, আযমায়েশ ও পরীক্ষা যথা শীঘ্র বিদূরীত হয়।

এখন আমি সংক্ষেপে বলার চেষ্টা তো করিব, কিন্তু বলিতে পারিনা যে, উহাতে সফল হইব কি না।

প্রথম কথা ইহা বলিতে চাই যে, কোরআন শরীফ অতি স্পষ্ট ভাবে এই শিক্ষা দেয় এবং অত্যন্ত তাকিদ সহকারে আমাদের সামনে এই বিষয়টি তুলিয়া ধরে যে, আল্লাহ তায়ালা জুলুম এবং জালেম উভয়কেই ভালবাসেন না, সন্তুষ্টি ও প্রীতির সম্পর্ক জালেমদের সহিত রাখেন না। তিনি বলিয়াছেন, ‘ওআল্লাহ্ লা ইউহিবুবুয যালেমীন’। কোরআন শরীফ ইহার বিভিন্ন স্থানে কোন কোন বিষয়ের উল্লেখ প্রসঙ্গে বলিয়াছে যে, আল্লাহ তায়ালা অমুক অমুক ব্যক্তিদেরকে ভাল বাসিতে পারেন না। যেমন, ‘মো’তাদীনকে’ (সীমালঙ্ঘন কারীদিগকে) ভালবাসেন না। পক্ষান্তরে কোরআন শরীফ বিভিন্ন স্থানে ইহাও বলিয়াছে যে, অমুক অমুক গুণ আল্লাহ তায়ালায় কাছে প্রিয় ও পছন্দনীয়। যেমন, বলা হইয়াছে—খোদা তায়ালা তওয়া-স্কুল কারীগণকে ভাল বাসেন, খোদাতায়ালা সবার কাীগণকে ভাল বাসেন, অথবা, যেমন বলা হইয়াছে যে, খোদা তায়ালা মুত্তাকীগণকে ভালবাসেন।

আমি এখন জুলুম সম্বন্ধে ইহা বলিতে চাই যে, খোদা তায়ালা ইহা তো বলিয়াছেন যে, তিনি জালেমকে ভাল বাসেন না, কিন্তু ইহা বলেন নাই যে, তাঁহার প্রীতি ও ভালবাসা লাভ করার জগু শুধু মজলুম (অত্যাচারিত)

হওয়াই যথেষ্ট। বরং যে ব্যক্তি মজলুম, এবং সেই সঙ্গে তাহার মধ্যে অশ্রান্ত সেই সকল গুণও বিद्यমান রহিয়াছে, যাহা আল্লাহর নিকট প্রিয়; যেমন, সে মুত্তাকী, সে ধৈর্যশীল, তওয়াস্কুলকারী, আল্লাহর পথে ত্যাগ স্বীকারকারী ও আত্মোৎসর্গকারী, এবং সে পরীক্ষা ও বিপদাবলীর সময়ে স্থির ও অটল থাকে এবং ওফাদারী ও বিশ্বস্ততার পথ সকল পরিত্যাগ করে না; খোদা-তায়ালায় আঁচলকে মজবুত করিয়া ধরিয়া রাখে এবং তাহার মুষ্টিতে শিথিল হইতে দেয় না—এই গুণাবলী সম্পন্ন ব্যক্তিকে আল্লাহ ভাল বাসেন।

সুতরাং, কুরআন করীম বলে যে, খোদা-তায়ালা জালেমদিগকে একেবারেই ভালবাসেন না, কিন্তু কুরআন ইহাও বলে যে সেইরূপ মজলুম হযরত আদম (আঃ) হইতে এখন পর্যন্ত চলিয়া আসিয়াছেন, যাঁহারা তাঁহাদের জীবনকে সেই ছাঁচে গড়িয়াছেন যাহার জগু আল্লাহ তায়ালা তাঁহাদিগকে ভালবাসিয়াছেন।

তারপর কুরআন শরীফ ইহাও বলে যে, তোমাদের পরীক্ষা লওয়া হইবে, তোমাদের জগু সন্ত্রাসের সৃষ্টি করা হইবে, ভয়াবহ পরিস্থিতির সৃষ্টি করা হইবে এবং তোমাদের সামাজিক বয়কটও করা হইবে। এই জাতীয় চেষ্টা-চরিত্র চালান হইবে যে, আল্লাহ তায়ালায় দিকে আত্মনিবেদিত ব্যক্তিগণের, তাঁহার নামের মর্ষাদা বুদ্ধিকারীগণের, তাঁহার প্রেম ও ভালবাসা পাওয়ার উদ্দেশ্যে ইসলাম, কুরআন করীম ও হযরত খাতামুল আন্নিয়া মুহাম্মদ মুস্তফা সাল্লাল্লাহু

আলাইহে ওয়া সাল্লামের সেবায় আত্মনিয়োগ-কারীগণের পরীক্ষা ছুঃখ-বেদনার আঘাত সমূহের দ্বারা করা হইবে ; এমন চেষ্টা-তদ্বীর চালানো হইবে, যাহাতে তাহারা খাওয়ার এবং পান করার জন্ত কোন কিছুই না পায়।

বিগত দিনগুলিতে যাহা কিছু ঘটয়াছে, তাহা অত্যন্ত বেদনাদায়ক, মর্মান্তিক। কিন্তু এখন এমন সব খবরও পাওয়া যাইতেছে যে, যেখানে তাহারা (বিরুদ্ধবাদীগণ) দুর্বল ও অল্প সংখ্যক আহমদী দেখিতে পায়, সেখানেই বলে যে, ইহাদিগকে বয়কট কর, ইহাদিগকে কিছু খাইতে দিও না, পানিও পান করিতে দিও না। দোকান হইতে জিনিষ-পত্র কেনা-কাটা করিতে এবং ভিশতীদিগকেও পানি সরবরাহ করিতে নিষেধ করিয়া দেওয়া হইয়াছে, ইত্যাদি। এজন্ত আমরা উদ্ভিগ্ন নহি যে, ক্ষুধার কষ্টের উপ-করণ সৃষ্টি করা হইয়াছে। ইহার খবর তো কুরআন শরীফ আমাদিগকে পূর্ব হইতেই দিয়াছে। (যাহা উদ্বেগের কারণ, তাহা আমি পরে উল্লেখ করিব)। তেমনিভাবে আল্লাহ-তায়াল্লা বলেন :

و نَقُصُّ مِنَ الْأَمْوَالِ وَالْأَنْفُسِ

—আর্থিক ক্ষতির দ্বারা তোমাদিগের পরীক্ষা লওয়া হইবে এবং তোমাদিগকে প্রাণেরও কুরবানী দিতে হইবে। ইহার সঙ্গেই আরও বলিয়াছেন যে, ছনিয়ার কল্যাণরাজি অর্জনের জন্ত তোমাদের চেষ্টা ও পরিশ্রমের সাধারণ ও স্বাভাবিক ভাবে প্রাপ্য ফল হইতেও তোমা-

দিগকে বঞ্চিত করা হইবে। মোটকথা, তোমাদের চেষ্টা চরিত্রের সফল হইতে বঞ্চিত দিয়াও তোমাদের পরীক্ষা লওয়া হইবে।

এখন (রবওয়ার) বাহির হইতে যে সব সংবাদ আসিতেছে, তাহা হইতে জানা যায় যে, আমাদের ভ্রাতাদিগকে ক্ষুধার পরীক্ষায় ফেলিবার দিকেই বেশী মনযোগ দেওয়া হইতেছে। এই প্রচেষ্টা চালান হইতেছে যে, আহমদীরা যেন কিছুই খাইতে এবং পান করিতে না পায়। যখন আমার নিকট বাহির হইতে এই সব রিপোর্ট আসে, তখন আমি চিন্তায় নিমগ্ন হইয়া পড়ি এবং আমার সহিত যাহারা দেখা করিতে আসেন, তাঁহাদিগকেও বুঝাইয়া বলি যে, দেখুন, আমাদের প্রিয় ও মাহবুব প্রভু হযরত খাতামুল আশ্বিয়া মুহাম্মদ মুস্তফা সাল্লাল্লাহু আলাইহে ওয়া সাল্লামকে মকী জীবনে, কোন কোন ইতিহাসবিদের মতে আড়াই বৎসর পর্যন্ত এবং অত্যাচারের মতে তিন বৎসর পর্যন্ত 'শে'ব-এ-আবি-তালিব' নামক উপত্যকায় আবরুদ্ধ করিয়া রাখা হইয়াছিল এবং তখনকার সকল মুসলমান তাঁহার সঙ্গেই ছিলেন। আঁহযরত সাল্লাল্লাহু আলাইহে ওয়া সাল্লামের সহিত সকলেরই 'আযমায়েশ' করা হইয়াছে, তাহাদের পরীক্ষা করা হইয়াছে। তিন বৎসর পর্যন্ত প্রচেষ্টা চালান হইয়াছে, তাঁহারা যেন কিছু খাইতে না পান, পান করিতে না পারেন। যদিও আল্লাহতায়াল্লা তাঁহাদের জন্ত এ ব্যবস্থাও করিয়াছিলেন যে, তাঁহারা যেন বাঁচিয়া

ধাকার মত খাইতে পান, কিন্তু আল্লাহ্‌তায়ালার যেহেতু তাঁহাদের পরীক্ষা গ্রহণ করিতে চাহিয়া-
ছিলেন এবং আল্লাহ্‌তায়ালার পথে তাঁহাদের
নিষ্ঠা ও বিশ্বস্ততা জগতে ঘোষিত হওয়া এবং
এই মহান নিদর্শনকে কেয়ামত পর্যন্ত কায়েম
রাখা নির্ধারিত ছিল, সেইহেতু আল্লাহ্‌তায়ালার
মুসলমানদিগকে যদিও সব কিছুই দিতে পারিতেন,
কেননা ছুনিয়ায় তাঁহারই আদেশ সচল এবং
এবং ছুনিয়ার সমস্ত শক্তি তাঁহারই করতলগত;
যদিও আল্লাহ্‌তায়ালার এমন উপকরণ সৃষ্টি
করিতে পারিতেন যে, সেই বন্দী ও অবরুদ্ধ
অবস্থায়ও মুসলমানগণ স্বাভাবিক ভাবে খাওয়া
সামগ্রী পাইতেন, কিন্তু তদ্রূপ ঘটে নাই।
আল্লাহ্‌তায়ালার মুসলমানদিগকে ততটুকু খাইতে
দিয়াছেন, যতটুকুতে তাঁহাদের জীবন রক্ষা হয়
এমনকি, এজ্ঞ জাগতিক উপায় উপকরণেরও
প্রয়োজন ছিল না। হযরত নবী করীম
সাল্লাল্লাহু আলাইহে ওয়া সাল্লাম একবার
সাহাবীগণকে বলিয়াছিলেন যে, ক্রমাগত ভাবে
প্রতিদিন রোজা রাখিবে না। সাহাবীগণ
বলিলেন, “হে আল্লাহর রসূল! আপনি তো
এই ভাবেই রোজা রাখেন।” তিনি বলিলেন,
“আমাকেতো খোদাতায়ালার খাওয়াইতে থাকেন
এবং পানও করাইতে থাকেন। এই ব্যাপারে
তোমরা আমার দৃষ্টান্ত গ্রহণ করিও না, বরং বাহ্যিক
তদ্বীর এবং জাগতিক নিয়মকানূনের মধ্যে
তোমরা আমার দৃষ্টান্ত ও আদর্শকে অনুসরণ
কর। আমার কিছু এরূপ উচ্চমোকাম ও মর্যাদাও

আছে, যাহা শুধু আমার জন্যই নির্দিষ্ট, যেমন
স্বয়ং খতমে-নবুয়তের মোকাম, ইহা এমন
একটি মোকাম যাহা ছুনিয়ার কোন দ্বিতীয়
ব্যক্তির সহিত সম্বন্ধ রাখে না। ইহার সম্বন্ধ
একমাত্র সেই প্রিয় এবং সর্বাধিক সুন্দর সন্তান
সহিতই রহিয়াছে, যাঁহাকে ছুনিয়া মুহাম্মাদ রসূ-
লুল্লাহ (সাঃ)-এই পবিত্র নামে স্মরণ করিয়া থাকে।

মোট কথা, আমিও চিন্তা করি এবং বন্ধুদের
এদিকে দৃষ্টি আকর্ষণ করি যে, দেখ
ক্রমাগত তিন বৎসর অথবা আড়াই বৎসর
পর্যন্ত তো (কোন বিরতি ব্যতিরেকেই)
অস্বীকারকারী ও বিরুদ্ধবাদীগণ চেষ্টা তদুবীর
চালাইয়াছিল হযরত রসূল করীম সাল্লাল্লাহু
আলাইহে ওয়া সাল্লাম এবং সমস্ত মুসলমান-
দিগকে বন্দী করিতে, এমনকি তাহারা যেন
কোন কিছু খাইতে ও পান করিতে না পান।

পরবর্তীকালে যখন সমস্ত ছুনিয়ার ধন-সম্পদ
মুসলমানদের চরনে আসিয়া লুটাইয়া পড়িয়াছিল,
তখন একবার একজন বৃজুর্গ সাহাবী (রাঃ)
বর্ণনা করিলেন যে, ‘আমি শে’বে-আবি-তালেবে
অবরুদ্ধ থাকা কালে একবার রাত্রির অন্ধকারে
কোথাও যাইতেছিলাম। তখন হঠাৎ আমার
পায়ের নীচে কোন জিনিষ পড়িল, যাহা
আমার নিকট নরম কোন কিছু অনুভূত হইল
(তিনি বলেন) আমি নীচে ঝুকিয়া উঠা
তুলিয়া মুখে দিয়া ফেলিলাম; কিন্তু আজও
জানি না যে উহা কি জিনিষ ছিল? মোট
কথা এতই প্রবল ছিল তাঁহার ক্ষুধা; মকী

জীবন প্রায় গোটাটিই দুঃখ-বেদনার জীবন ছিল। সুতরাং আমাদের হৃদয়ে যদি হযরত খাতামুল আশ্বিয়া সাল্লাল্লাহু আলাইহে ওয়া সাল্লামের ভালবাসা থাকে এবং নিশ্চয় আছে, তাহা হইলে তিনি তো খোদাতায়ালার পথে দশ বৎসর যাবৎ দুঃখ-কষ্ট ভোগ করিয়াছেন; সেই মহব্বাত ও ভালবাসার দাবী ও আবেদন এই যে, দশ কেন, বহু দশ বৎসর পর্যন্তও যদি আল্লাহুতায়ালার আমাদের আয়-মায়েশ ও পরীক্ষা করেন, তাহা হইলেও আমরা তাঁহার প্রতি ভালবাসার ফলশ্রুতি হিসাবে ছুনিয়ার বৃকে ইহা প্রমাণ করিয়া দিব যে, যাহারা খোদাতায়ালার মা'রেকত (তত্ত্বজ্ঞান) রাখে এবং হযরত মুহাম্মদ রসুলুল্লাহ সাল্লাল্লাহু আলাইহে ওয়া সাল্লামকে ভালবাসে, ক্ষুধাজনিত অবস্থা তাহাদের ওফাদারী ও বিশ্বস্ততাকে দুর্বল করিতে পারে না। তাহারা ঠিক সেই ভাবেই প্রেমে বিভোর থাকে, যেভাবে কোন ব্যক্তি পেট ভরিয়া খাইয়া পরিতৃপ্ত ও বিভোর হয়। তাহারা বিভোর থাকে আল্লাহুতায়ালার এবং হযরত নবী আকরাম সাল্লাল্লাহু আলাইহে ওয়া সাল্লামের প্রীতি ও ভালবাসায়। সুতরাং প্রত্যেক আহমদীর উচিত যে, সে যেন ময়লুমিয়ত ও উৎপীড়নের জীবনকে আনন্দ ও প্রফুল্লতার সহিত বরণ করে। যদি সে এই ময়লুমিয়তের জীবনকে সানন্দে গ্রহণ করে, তাহা হইলে আল্লাহুতায়ালার দৃষ্টিতে সে ঐ সকল পুরস্কার লাভের উপযোগী হইবে, যে সব পুরস্কার

খোদাতায়ালার পথে এই শ্রেণীর দুঃখ-কষ্টকে প্রফুল্লচিত্তে বরণকারীগণ লাভ করিয়া আসিয়াছেন। ইসলামী ইতিহাস এই প্রকারের দৃষ্টান্ত দ্বারা পরিপূর্ণ। হযরত নবী করীম (সাঃ আঃ)-এর সাহাবা-এ-কেরাম (রাঃ), যাহারা জুতার নীচে চাপাপড়া নরম জিনিষকে না দেখিয়াই খাইয়া ফেলিতেন, খোদাতায়ালার ছুনিয়ার ধন-সম্পদ তাহাদের পায়ের উপর আনিয়া ঢালিয়া দিলেন, এবং যেমন নাকি আমি পূর্বেও এক জুমার খোৎবাতে উল্লেখ করিয়াছিলাম, হযরত মসিহ মওউদ (আঃ) বলিয়াছেন :

“হে খোদা! যে ব্যক্তি তোমার হইয়া যায়, তাহাকে তুমি দুই জাহান দান করিয়া থাক, কিন্তু যে ব্যক্তি তোমার হইয়া গিয়াছে, সে দুই জাহান লইয়া কি করিবে? তাহার জন্ম তুমিই যথেষ্ট।”

মোট কথা, প্রথম বিষয়টি যাহা আমি বলিতে চাই, তাহা এই যে, তোমরা ময়লুমিয়ত ও উৎপীড়নের জীবনকে প্রফুল্লচিত্তে বরণ কর, যাহাতে তোমরা আল্লাহুতায়ালার অগণিত নেয়ামতের উত্তরাধিকারী হইতে পার— (ইনশাআল্লাহুতায়ালার)।

দ্বিতীয় বিষয়টি, এই যে, গত কালকের পত্রিকাগুলিতে একটি খবর প্রকাশ হইয়াছে যে, সীমান্ত প্রদেশের প্রাদেশিক এসেম্বলী সর্বসম্মতিক্রমে ফেডারেল সরকারের নিকট এই প্রস্তাব পেশ করিয়াছে যে, জামাতে আহমদীয়াকে

অ-মুসলমান সংখ্যালঘু ঘোষণা করা হউক। ইহার সম্বন্ধে আমি দুই একটি কথা বলিতে চাই। এই প্রসঙ্গে প্রথম কথাতে আমি এই বলিতে চাই যে, আমাদের অধিকার সমূহের সংরক্ষণ করা সরকারের ঠিক সেই ভাবেই কর্তব্য, যেভাবে যে কোন অশু পাকিস্তানী নাগরিকের অধিকার সমূহ সংরক্ষণ করা উহার কর্তব্য। এই সরকারের জ্ঞান আমরা দোয়া করিয়া আসিয়াছি, এখনও করিতেছি এবং করিতে থাকিব, যেন আল্লাহ-তায়াল্লা তাহাদিগকে দূরদর্শীতা দান করেন এবং তাহাদের দ্বারা যেন এমন কোন কাজ সংঘটিত না হয়, যাহার দরুন ছনিয়ার মানুষের দৃষ্টিতে তাহাদের জ্ঞান লাঞ্ছনার উপকরণ সৃষ্টি হইয়া যায়।

সংখ্যালঘু সম্পর্কে তথাকথিত উলেমার ফৎওয়া সমূহের যে ব্যাপার, তাহা তো এই যে, সারা ছনিয়ার উলেমা-এ-যাহের এবং প্রত্যেক ফেরকার প্রচার সর্বশ্ব আলেক্সা যাহারা আমাদের সহিত একমত নহেন, তাহারা সকলই আমাদের বিরুদ্ধে কুফরের ফতওয়া দিয়া আসিয়াছেন। সমস্ত ছনিয়ার তথাকথিত উলেমার কুফরের ফতওয়া সমূহের পর, সরকারের প্রতি এই শক্তি প্রয়োগ করার প্রয়োজনীয়তা কেন দেখা দিল যে, সরকার যেন আহমদীয়া ফেরকার মুসলমানদিগকে অমুসলমান সংখ্যালঘু বলিয়া আখ্যাদান করে? ইহা একটি চিন্তা করার ব্যাপার। আমিও এ সম্বন্ধে চিন্তা

করিয়াছি, আপনারাও চিন্তা করিয়া থাকিবেন এবং পাকিস্তানের শত করা নিরাম্ববই জন শরীফ ও ভদ্র সংখ্যাগরিষ্ঠ অধিবাসীই চিন্তা করিয়া থাকিবেন যে, ব্যাপারটি কি?—সমস্ত ছনিয়ার মৌলবীরা ঘোষণা করিয়াছেন এবং আহমদীয়া জামাতের বিরুদ্ধে কুফরের ফতওয়া দিয়াছেন, কিন্তু সমস্ত ছনিয়ার মৌলবীগণের ফতওয়া দেওয়ার পরও আহমদীগণ কাফের সাব্যস্ত হইল না বলিয়া এখন সরকারের উপর চাপ সৃষ্টি করা হইতেছে যে, উহা যেন জামাতে আহমদীয়াকে অমুসলমান সংখ্যালঘু সাব্যস্ত করে। প্রকৃতপক্ষে ইহা সারা ছনিয়ার তথাকথিত উলেমার এই কথারই স্বীকারোক্তির ঘোষণা যে, “আমরা তো আহমদীদিগকে কাফের বলিতে বলিতে ক্লাস্ত ও পরিশ্রান্ত হইয়া গেলাম, তবুও আমাদের দ্বারা ইহারা কাফের বনিতোছে না। এখন এ ব্যাপারে সরকার যেন কিছু করেন, যাহাতে আমাদের মন খুশী হয়।” প্রকারান্তরে, সমগ্র ছনিয়ার উলেমার (সম্মিলিত) চেষ্টা-সাধনার বিফলতার মোকাবেলায় সরকার যেন কোন কিছু করেন, যাহাতে মৌলবীগণের চিন্ত প্রসন্ন হয়। সুতরাং ছনিয়ার তথাকথিত উলেমার তরফ হইতে এই ঘোষণা প্রকৃতপক্ষে এ কথারই প্রমাণ যে, তাহাদের সকল ফতওয়া বিফলতায় পর্যবসিত হইয়াছে।

আমি আপনাদিগকে একটি ঘটনা শুনাই-তেছি। ১৮/১৯ বৎসর পূর্বের কথা। পাঞ্জাব

সরকারের একজন সেক্রেটারী, যিনি আমার সহিত অক্সফোর্ডে পড়িতেন, একদিন আমাকে বলিলেন যে, আলেমরা আমার নিকট আসিতেছেন এবং তাঁহারা আমার উপর চাপ সৃষ্টি করিতেছেন যে, সরকার যেন প্রথমতঃ আহমদীয়া জামাতকে অমুসলমান সংখ্যালঘু বলিয়া আখ্যাদান করে এবং দ্বিতীয়তঃ এই আইন যেন পাশ করে যে, কোন ব্যক্তিই ভবিষ্যতে আহমদী হইতে পারিবে না। আমি তাঁহাকে উত্তর দিলাম, দ্বিতীয় ব্যাপারটির প্রসঙ্গে এই বলিতে হয় যে, ভবিষ্যতে কোন ব্যক্তি আহমদীয়া জামাতে দাখিল হইতে পারিবে না —এ ধরনের কানুন তৈরীর পূর্বে আপনাদিগকে আর একটি কানুন তৈরী করিতে হইবে। তিনি বলিয়া উঠিলেন, “উহা কি?” আমি বলিলাম, “আপনাদিগকে প্রথমে কানুন বানাইতে হইবে যে, আমরা পাকিস্তানে “মুনাফেকদের” এমন একটি দল সৃষ্টি করিতে চাই, যাহারা অন্তর্করণে আহমদী হইবে, কিন্তু মুখে তাহারা উহার অস্বীকার করিবে। কেননা দুনিয়ার কোন পার্থিব শক্তিই অন্তরের সংকল্প (আকীদা) পরিবর্তন করিতে পারে না। কাহারও জবানের উপর ও ভাব প্রকাশের উপর আপনি বাধা নিষেধ আরোপ করিতে পারেন, কিন্তু তাহার হৃদয়ের সংকল্প বা আকীদার উপর কোন বাধা নিষেধ আরোপ করিতে পারেন না। যদি এই ধরনের আইন প্রণয়ন করা হয়, তাহা হইলে উহার অর্থ এই দাঁড়াইবে যে, হাজার

হাজার এবং লক্ষ লক্ষ মানুষ অন্তরে তো আহমদী হইতে থাকিবে কিন্তু মুখে বলিবে যে তাহারা আহমদী নহে। এ জন্ত প্রথম এই আইন প্রণয়ন করুন যে, “আমরা এই শ্রেণীর ‘মুনাফেক’ দিগের একটি দল সৃষ্টি করিতে চাই, যাহারা অন্তরে আহমদী হইবে কিন্তু মুখে অস্বীকার করিবে।

আর প্রথমোক্ত কথাটি অর্থাৎ আহমদীদিগকে অমুসলমান সংখ্যালঘু সাব্যস্ত করার প্রসঙ্গে তিনি আমাকে ইহাও জানাইয়াছিলেন যে, এই মৌলবীরা ইহাও বলেন যে, তাঁহাদের তামাম ফতওয়া সত্ত্বেও বিপুল সংখ্যা গরিষ্ঠ জনসাধারণ আহমদীদিগকে মুসলমান বলিয়া ধারণা করে। প্রকারান্তরে, তাঁহারা (উলেমা) নিজেরাই ইহা স্বীকার করিয়াছেন যে, তাঁহাদের ফতওয়া নিঃসফল ও অকেজো প্রমাণিত হইয়াছে। সুতরাং আমি তাঁহাকে বলিলাম যে, যদি সমস্ত জগতের আলেমের ফতওয়া সত্ত্বেও পাকিস্তানের বিপুল সংখ্যা গরিষ্ঠ নাগরিক আহমদীদিগকে মুসলমান মনে করে, তাহা হইলে আপনারা যে আইন প্রণয়ন করিবেন এবং তদ্বারা যে আরও একটি ফতওয়া জারী করিবেন, উহার অবস্থাও অত্যাগত ফতওয়ার স্থায়ী নিছক একটি ফতওয়া অপেক্ষা বেশী কিছু হইবে না। অতীতের অসংখ্য ফতওয়ার মধ্যে আর একটির সংযোজনে বিপুল সংখ্যাগরিষ্ঠ মুসলমান আমাদিগকে কি রূপে অমুসলমান ভাবিতে লাগিবে? তাহারা তখনও দেখিবে যে, আমরা মুসলমানদের মতই নামাজ

পড়িতেছি, আমাদের ঘর-বাড়ী হইতে কুরআন মঞ্জীদের তেলাওতের আওয়াজ বাহিরে আসিয়া পৌঁছিতেছে; তাঁহারা শুনিতে ও পাইতেছেন, এবং এই তৎপরতা ও সংগ্রামকেও তাঁহারা আমাদের জীবনে প্রত্যক্ষ করিবেন যে, আমরা ইসলামের ছাঁচে উহাকে গড়িতেছি। তেমনিভাবে জগৎ ব্যাপী ইসলাম প্রচারের কীর্তি সমূহের কথাও তাঁহাদের কানে আসিতে থাকিবে, তখন তাঁহারা তোমাদের আর একটি ফতওয়ার সংযোজনে আমাদের কাফের ভাবিতে আরম্ভ করিবে? এই কথার উপর তিনি চিন্তায় পড়িয়া গেলেন এবং বলিলেন কথা তো ঠিকই বলিয়াছেন।

সুতরাং সারা ছুনিয়ার তথাকথিত উলেমা, যাঁহারা পূর্বেই আমাদের কাফের আখ্যা দিয়াছেন, তাঁহাদের এখন এই চিন্তা কেন ধরিয়া বসিয়াছে যে, সমস্ত ছুনিয়া আমাদের কাফের ও মুসলমানই মনে করে। হইতে পারে তাঁহারা এই ঘোষণা করুক যে, তাঁহাদের যাবতীয় ফতওয়া নিঃফল ও ব্যর্থ হইয়াছে এবং আমরা এই ঘোষণা করিব যে, সরকারের কোন ফতওয়া আইনামুগ মর্ষাদা রাখে না। ছুনিয়ার যে (আন্তর্জাতিক) আইন এবং আমাদের দেশের যে সংবিধান রহিয়াছে, উহারা তো এই ধরনের বিষয়ে চিন্তা করিতেও নিষেধাজ্ঞা আরোপ করে। দেশীয় আইন ইহার অনুমতি দান করে না, আন্তর্জাতিক আইনও ইহা অনুমোদন করে না।

যাহাই হউক, সরকার আইন প্রণয়ন করুক —এ কথা এই সকল লোক এক তো এই কারণে বলিতেছেন যে, তাঁহারা মনে করেন যে, তাঁহাদের ফতওয়া বিফল ও ব্যর্থ হইয়াছে। উহা কোনই প্রভাব বিস্তার করিতে পারে নাই। ছুনিয়া আহমদীদিগকে এখনও মুসলমান বলিয়াই জানে।

ইহার দ্বিতীয় কারণ আমার নিকট এই যে, যদি সরকারের (তথাকথিত) ফতওয়া না হয়, শুধু উলেমার ফতওয়া থাকে, তাহা হইলে যেমন নার্কি বিচারপতি মুনির তাঁহার তদন্ত রিপোর্টে লিখিয়াছেন যে, এই সকল আলেমের ফতওয়া দৃষ্টে তো ইহাই প্রতীয়মান হয় যে, মুসলমানদের প্রত্যেকটি ফেরকাই কাফের! দৃষ্টান্তস্বরূপ, আমাদের সেই সকল মুসলমান ভাই, যাহাদিগকে ওহাবী বলা হয়, অর্থাৎ ইমাম মোহাম্মদ বিন আবদুল ওহাবের অনুসারীগণ (যাঁহাদের পরবর্ত্তীগণ তাঁহার শিক্ষার অনুসরণ না করিয়া তদনুযায়ী বেদাত-বিবর্জিত সমাজ কায়েম করে নাই)। মোট কথা, ইমাম মোহাম্মদ বিন আবদুল ওহাবের অনুসারী এবং তাঁহার সহিত সম্বন্ধ রাখে এমন ব্যক্তিদের সম্পর্কে অপরাপর সকল ফেরকার উলেমা কুফরের ফতওয়া দিয়াছেন।

তারপর আছেন শিয়াগণ। তাঁহাদের রাষ্ট্র ও সরকারও রহিয়াছে। তাঁহাদের নিজস্ব আকীদা (ধর্ম বিশ্বাস) বিদ্যমান। কোন কোন ব্যাখ্যায় ও বিস্তারিত বর্ণনায় তাঁহারা অগ্রাণ্ড মুসলমান হইতে অনেকখানি পৃথক। শিয়াগণের

নামাজ ও তাহাদের নামাজের মধ্যে পার্থক্য রহিয়াছে। তারপর সূন্নীগণের মধ্যেও আবার মালেকীগণ আছেন। কোন কোন সময় তাহারা আফ্রিকায় আমাদের সহিত বহুসা করেন যে, তোমরা কিরূপে মুসলমান হইতে পার? তোমরা তো বৃকে হাত বাঁধিয়া নামায পড়। সুতরাং তাহাদের মধ্যকার অনেক ভ্রাতা, যাহারা হজ্জ করার তৌফিক পাইয়াছেন, যখন তাঁহারা মক্কা মোয়াজ্জামার উলেমাকে এবং মুসল্লীদিগকে হাত বাঁধিয়া নামায আদায় করিতে দেখিলেন, তখন তাঁহারা বুঝিতে পারিলেন যে, তাঁহারা একটা ভুল মসলা খাড়া করিয়া বহুসায় লিপ্ত ছিলেন। অতঃপর যখন তাঁহারা হজ্জ সমাধা করিয়া দেশে ফিরিলেন, তখন তাঁহারা আহমদী হইয়া গেলেন। যদি কোন ব্যক্তির মস্তিষ্ক ইহা চিন্তা করিয়া থাকে যে, আহমদী-য়তের বিস্তারকে বন্ধ করিতে হইবে। তাহা হইলে এই উদ্দেশ্যে আহমদীদিগের হজ্জ বন্ধ করায় ততটা লাভ হইবে না, যতটা আফ্রিকান দেশ সমূহের গয়ের আহমদী মুসলমানদের হজ্জ বন্ধ করায় লাভ রহিয়াছে। কেননা, উক্তরূপ ছোট খাট মসলা সমূহের মধ্য হইতে কোন কোনটি (যেমন, হাত বাঁধিয়া নামায পড়া, ইত্যাদি) সেখানে (মকায়) যাইয়া নিজে নিজেই সমাধা প্রাপ্ত হয় এবং এই ভাবে মানুষ আহমদী হইয়া যায়।

তেমনিভাবে আহলে-হাদিস ফেরকা কেই ধরুন এবং তাহাদিগকে তথাকথিত উলেমার বিভিন্ন

ফেরকা হইতে পৃথক রাখিয়া বাদ বাকীদের ফতওয়া সমূহের প্রতি লক্ষ্য করুন, তাহা হইলে আপনারা জানিতে পারিবেন যে, আহলে-হাদীস গণও অমুসলমান সংখ্যালঘু, —ইমাম মোহাম্মদ বিন আবদুল ওহাব (রহঃ)-এর অনুসারীগণ অর্থাৎ ওহাবীগণ অমুসলমান সংখ্যালঘু। এখানে আমি সেই কথাই বলিতেছি, যাহা বিচারপতি মুনীর তাঁহার তদন্ত কশিশন রিপোর্টে লিখিয়াছেন এবং আমি মনে করি যে, তিনি ঠিকই লিখিয়াছেন যে, এমতাবস্থায় আপনারা কোথাও মুসলমান দেখিতে পাইবেন না।

সুতরাং, যেহেতু শুধু উলেমার ফতওয়ার বদৌলতে কোন ফেরকাই মুসলমান থাকিতে-ছিলনা এবং যেহেতু ইহা ঐ সকল আলেমের জন্ম বড়ই অসুবিধা ও বিপদ হইয়া দাঁড়াইয়া ছিল, এজন্য তাহারা চিন্তা করিল যে, একটি ফতওয়া এই রূপ হউক, যাহা শুধু একটি মাত্র ফেরকাকেই অমুসলমান সংখ্যালঘু সাব্যস্ত করিবে। তারপর আমরা হট্টগোল করিয়া অশান্ত সকলের দৃষ্টি সেই বিষয়ের দিক হইতে ফিরাইয়া রাখিব, যাহা সকল ফেরকার পরস্পর আত্মঘাতী ফতওয়া সমূহের কুপ্রভাবে ও পরিণতিতে মুসলিম উম্মতের উপরে ঘটয়া গিয়াছে। ইহাই হইল দ্বিতীয় কারণ, যেজন্য উলেমার পক্ষ হইতে এ ব্যাপারে জোর দেওয়া হয় যে, সরকারের উচিত ফতওয়া দেওয়া।

তৃতীয়তঃ, তাহারা সরকার কে মুফতী বনিয়া এই ব্যাপারে এই কারণে নাক গলাইবার জন্ম

বলেন যে, তাহাদের কুফরের ফতওয়া সমূহের সম্বন্ধে দেখা যায় যে ঐগুলির মধ্যে কোন স্থিরতা নাই।

কিছুকাল পূর্বে, আমাদের মোহতরাম শাহ ফয়সলকে ও তাহার পরিবার বর্গকে এবং তাহার সম-আকীদাভুক্ত (ওহাবী ফেরকার) লোক দিগকে অন্তত বার বৎসর পর্যন্ত হজ্জ ব্রত পালনে বাধা দান করা হইয়াছিল। তেমনিভাবে তাহার সম-আকীদাভুক্ত বা প্রায় অনুরূপ আকীদা পোষণকারী কতিপয় ব্যক্তি, যাঁহারা ভারতবর্ষ হইতে হেজ্জায় গিয়াছিলেন, তাহাদের উপরও তৎকালীন সরকার কঠোর নিপীড়ন আরম্ভ করেন, যে জ্ঞান বৃষ্টি সরকারকে হস্তক্ষেপ করিয়া তাহাদের জান বাঁচাইতে হয়। কিন্তু ইহা সত্ত্বেও কতিপয় শীর্ষস্থানীয় উলেমা, যাঁহারা ভারতবর্ষ হইতে সেখানে গিয়াছিলেন, তাহাদিগকে ৩৯টি করিয়া বেত্রাসাত করা হয় এবং অবশিষ্ট ব্যক্তিদিগকে বৃটিশ সরকারের চাপের ফলে জ্বরদস্তি ভারত বর্ষে ফেরত পাঠান হয়। এখন তাহাদের (ওহাবীদের) রাজত্ব এবং বর্তমান উলেমার ফতওয়াও তাহাদের পূর্বকার ফতওয়া হইতে ভিন্নতর।

রাজত্বের বা সরকারের পরিবর্তনের কারণে, অথবা পরিস্থিতির পরিবর্তনের ফলে তথাকথিত উলেমা কর্তৃক চৌদ্দশত বৎসর ব্যাপী প্রদত্ত ফতওয়া সমূহের মধ্যে পরিবর্তন ঘটয়া আসিয়াছে। কোন বুদ্ধিমান ব্যক্তি যদি শুধু

এই দৃষ্টিকোন হইতেই লক্ষ্য করে, তাহা হইলে এই সিদ্ধান্তে না পৌঁছিয়া পারিবে না যে, অলেমদের ফতওয়া গ্রহণযোগ্য নহে। কেননা তাহারা আজ এক রকম ফতওয়া দেন, দশ দিন পর আবার অল্প রকম ফতওয়া জারী করেন। আজ এক ফতওয়া দেন এবং বার বৎসর পরে উহা হইতে ভিন্ন ফতওয়া জারী করেন।

হারামাইন শরীফাইন (মক্কা ও মদীনা)-এর প্রতি আমাদের হৃদয়ে সম্মান ও শ্রদ্ধা এই পর্যায়ে রহিয়াছে যে, আমরা মনে করি, ছুনিয়ার সমস্ত অধিবাসী বৃন্দ সেই মুক্তিকার এক মুষ্টি ধূলিকণার জ্ঞান, যাহার উপর হযরত মোহাম্মাদ (সাঃ আঃ)-এর কদম মোবারক পড়িয়াছিল, কোরবানী হইয়া যাইতে পারে। কিন্তু মক্কা মোয়ায্-যামাহ ও মদীনা মুনাওয়ারার প্রতি যে সম্মান ও ভক্তি, তাহা স্বস্থানে, এবং সেই সকল তথাকথিত আলেমের সম্মান তাহাদের নিজ স্থানে, যাঁহারা এক সময়ে মোহাম্মাদ বিন আবতুল ওহাব (রহঃ) এবং তাহার অনুসারী দিগের উপর কুফরের ফতওয়া জারী করিয়াছিলেন—যাহা ছিল বড়ই কঠোর ফতওয়া। অতঃপর পরবর্তী কালে তাহাদের (ওহাবী গণের) মুসলমান হওয়ার এবং অন্যান্যদিগের কাফের হওয়ার ফতওয়া দিলেন। এই উভয় শ্রেণীর ফতওয়া আমাদের প্রচলিত কেতাব সমূহের মধ্যে হরমাইন শরীফাইনের ফতওয়া নামে বিখ্যাত।

মোট কথা, যেহেতু তাহাদের ফতওয়ার কোন ঠিক-ঠিকানা নাই, এজন্য ছুনিয়াবাসী,

যাহারা ধর্মীয় জ্ঞান না রাখিলেও জাগতিক দিক দিয়া অনেক খানি সুস্বদর্শীতা অর্জন করিয়াছেন, তাহাদের একটি জ্বরদস্ত আপত্তি এই আলেমগণের ফতওয়া সমূহের বিরুদ্ধে এই যে, আজ তোমরা একটা ফতওয়া দাও, আবার পঞ্চাশ বৎসর পরে আর একটা উহার বিরোধী ফতওয়া দিয়া থাক। যেমন, এক সময়ে সৈয়দ আবদুল কাদের জীলানী (রহঃ) এর বিরুদ্ধে এই বলিয়া কুফরের ফতওয়া দিয়াছিল যে, তিনি কোরআন শরীফের ব্যাখ্যায় এমন সব কথা বলেন, যাহা তাঁহার পূর্ববর্তী আলেমগণ এবং বুজুর্গগণ বলেন নাই। আবার পঞ্চাশ বা একশত বৎসর পরে যে বুজুর্গ আসেন, তাঁহার উপর এই বলিয়া কুফরের ফতওয়া জারী কর যে, তিনি যে কথা বলিতেছেন, উহা সৈয়দ আবদুল কাদের জীলানী (রহঃ) হইতে ভিন্ন। প্রথমে, তাঁহার উপর ফতওয়া লাগাইয়াছে যে, তিনি পূর্ববর্তী বুজুর্গ গণ হইতে ভিন্ন কথা বলিয়াছিলেন। আবার পরবর্তী বুজুর্গ আউলিয়ার উপর ফতওয়া প্রয়োগ করিয়াছে যে, তাহারা সৈয়দ আবদুল কাদের জীলানী (রহঃ) কর্তৃক পেশকৃত ইসলামের ব্যাখ্যা হইতে পৃথক ব্যাখ্যা পেশ করেন।

মোট কথা, উলেমা এখন चाहিতেছেন যে, এমন কোন ফতওয়া যেন হয়, অর্থাৎ, সরকারের ঘোষিত ফতওয়া, যাহার মধ্যে স্ববিরোধীতা ও ভিন্নতা না হয়—সকালে এক

কথা বলা আবার সন্ধ্যায় অন্যকথা। কিন্তু প্রশ্ন উঠে যে, সরকার কেন ফতওয়া দিবে? কোন সরকারকেই, না কোন মানবীয় জ্ঞান ও প্রজ্ঞা, না কোন মানবীয় ভদ্রতা ও শালীনতা, না কোন মানবীয় বিবেক ও প্রকৃতি এবং না কোন ধর্ম, যাহা বিভিন্ন সময়ে আল্লাহ তায়ালার तरফ হইতে নাযেল হইয়াছে, ইহার অনুমতি দান করে যে, উহা (সরকার) মানুষের হৃদয়ের উপরে হুকুম জারী করুক। কোন এক যুদ্ধের সময়ে এক ব্যক্তি যে ইসলামের বিরুদ্ধে লড়িতেছিল, তাহার মাথার উপর যখন এক মুসলমানের তলওয়ার উত্তত হইল, তখন সে বলিয়া উঠিল—‘লা ইলাহা ইল্লাল্লাহ মোহাম্মাদুর রাসুলুল্লাহ’, কিন্তু সেই মুসলমান তাহাকে এই বলিয়া বধ করিয়া বসিলেন যে, তুমি প্রাণের ভয়ে ইসলাম স্বীকার করিতেছ। যখন হযরত নবী আকরাম(সাঃ) এই ঘটনা জানিতে পারিলেন, তখন তিনি সেই সাহাবীর প্রতি অত্যন্ত অসন্তুষ্ট হইলেন এবং তাহাকে বলিলেন যে, তুমি কি তাহার হৃদয় চিরিয়া দেখিয়াছিলে? তিনি বলিলেন যে, খোদাতায়ালা জিজ্ঞাসা করিবেন যে, সে যখন কলেবা পড়িল, তখন তুমি কোন নীতি অনুযায়ী ও কোন আকীদা এবং কোন শিক্ষা মোতাবেক তাহার গর্দান কাটিলে সুতরাং বল, তুমি খোদাতায়ালাকে কি উত্তর দিবে?

সুতরাং ছনিয়ার কোন ধর্ম কোন সরকারকেই এই অনুমতি দান করে না যে, যদি

কোন ব্যক্তি বা জামাত বা সম্প্রদায় বলে যে, সে বা তাহারা মুসলমান, তখন সেই কথার বিরুদ্ধে সরকার একথা বলিবে—‘না, তুমি বা তোমরা মুসলমান নও’। ইহা তো এতই সহজ ও সুস্পষ্ট বিষয় যে, খোদাতায়ালার অস্বীকারকারী নাস্তিকগণও মানব জীবনের এই বাস্তব সত্যটি স্বীকার না করিয়া পারে না। আমাদের বর্তমান বিশ্বে কিছুতো নিরপেক্ষ ধরণের দেশ রহিয়াছে। কিন্তু যে শক্তিশালী এবং সম্পদশালী দেশ গুলি আছে, উহারা দুই ভাগে বিভক্ত। একটিকে ডানপন্থী Rightist বলা হয় এবং অপরটিকে বলা হয় বামপন্থী Leftist. সুতরাং ডানপন্থীগণও উক্ত বাস্তব সত্যটিকে স্বীকার করে এবং বামপন্থীরাও ইহাকে স্বীকার করে। চেয়ারম্যান মাও-সে তুং একটি মহান দেশের মহান নেতা। আল্লাহতায়ালার তাঁহাকে সুস্বন্দর্শিতা দান করিয়াছেন এবং যত খানি আমি এই পুস্তক পড়িয়া জানিতে পারিয়াছি, আমি মনে করি, তিনি মানবতার বড়ই সেবা করিয়াছেন, কিন্তু তিনি খোদাতায়ালার অস্তিত্বে ঈমান রাখেন না, তবে মানবীয় চারিত্রিক মূল্য বোধ সমূহে অবশুই তিনি ঈমান রাখেন। তিনি বড়ই জোরের সহিত লিখিয়াছেন, ‘আমাদের শিক্ষা কেন্দ্রে সমূহের যুবকগণের পূর্ণ মাত্রায় চরিত্রবান হওয়া উচিত’। তিনি সেই সকল চারিত্রিক গুণেরই উল্লেখ করিয়াছেন, যাহা ইসলাম আমাদের শিক্ষা দিয়াছে। তিনি খোদাকে স্বীকার করেন না, কিন্তু নৈতিকতা

সম্বন্ধে এই শিক্ষা দান করেন যে, ‘দেখ, কখনও গর্ব ও অহংকার যেন তোমাদের মধ্যে সৃষ্টি না হয়’। তাঁহার এই বাক্য, যাহা প্রকৃতপক্ষে ইসলামের নীতি-বাক্য এবং ইসলামের ব্যাখ্যানকারী হযরত ইমাম মাহদী (আঃ)-এরও বাণী, ফেরেস্তাগণ অলক্ষ্যে উহা চেয়ারম্যান মাওকে শিখাইয়া থাকিতে পারেন। সুতরাং তিনি ঐ প্রসঙ্গেই ইহাও বলিয়াছেন যে, ‘তোমাদের মাথা যেন সর্বদা জমীনের দিকে ঝুকিয়া থাকে’। এই কথা গুলি চেয়ারম্যান মাও-সে তুং-এর নিজের। তাঁহার গ্রন্থাবলী ও রচনাবলীর মধ্য হইতে সুদীর্ঘ উদ্ধৃতি সহ তাঁহার একথানা পুস্তক ইংরেজীতে অনুবাদ করা হইয়াছে, উহার এক স্থানে তিনি লিখিয়াছেন :

“Our Constitution lays it down that Citizens of the Peoples’ Republic of China enjoy freedom of speech, of the press, assembly, association, procession, demonstration, religious belief.”

অর্থাৎ, আমাদের সংবিধান ধর্মীয় স্বাধীনতার নিশ্চয়তা দান করে।

তারপর তিনি আরও লিখেন :

“We cannot abolish religion by administrative decree or force people not to believe in it.”

তাঁহার দর্শননীতি এই যে, মানুষের পক্ষে ইহা সম্ভবপরই নয়, কেননা ধর্ম হৃদয়ের ব্যাপার,

এবং যেমন নাকি আমি পূর্বেও বলিয়াছি যে, কোন জাগতিক শক্তি মানব হৃদয় পরিবর্তন করিতে পারে না; উহা জবানকে বাধ্য করিতে পারিলেও কিন্তু হৃদয়কে বাধ্য করিতে পারে না। এই বাস্তব সত্যটিকে তিনি উপলব্ধি করিয়াছেন এবং উপরোক্ত কথা গুলিতে তাঁহার এনীতিই অভিব্যক্তি ঘটয়াছে যে, আমরা ধর্মকে প্রশাসনিক আইনের দ্বারা মিটাইয়া দিতে পারি না এবং আমরা কাহাকেও জাগতিক শক্তির দ্বারা বাধ্য করিতে পারি না যে, সে তাহার নিজস্ব আকীদা বা ধর্ম বিশ্বাসের উপর ঈমান না রাখে। সুতরাং একজন নাস্তিকও ইহা জানেন, যাঁহার সম্বন্ধে আমি জানাইয়াছি, তিনি তো তাঁহার জাতির একজন মহান ব্যক্তি; তিনি বিপুল খেদমত করিয়াছেন সেখানকার মজলুম মানুষের। তাহা-দিগকে অগ্রায় শোষণ (Exploitation) হইতে বাঁচাইয়াছেন, তাহাদের জগৎ জাগতিক কল্যাণের উপাদান সৃষ্টি করিয়াছেন এবং তাহা তিনি অত্যন্ত বুদ্ধিমত্তা ও বিচক্ষণতার সহিত সমাধা করিয়াছেন; সেই সকল লোকের তিনি প্রিয় নেতা এবং আমাদের অন্তরেও তাঁহার জগৎ ভক্তি রহিয়াছে। কেননা তিনি মানবজাতির সেবা করিয়াছেন। তিনি নাস্তিক হইলেও আখলাক বা চারিত্রিক মূল্য বোধের উপর বিশেষ গুরুত্ব আরোপ করিয়াছেন এবং তিনি এই চির সত্যটি অমুখাবন করিয়াছেন যে, কোন জাগতিক শক্তিই—উহা চীনের মত বিরাট শক্তিই হউক না কেন—

আর পাকিস্তান তো চীনের মত বিরাট শক্তিও নহে, কোন বিরাট জাগতিক শক্তিও আইন প্রণয়ন করিয়া অথবা প্রশাসনিক শক্তি প্রয়োগ করিয়া কোন ব্যক্তিকেই তাহার নিজস্ব আকীদা বা ধর্ম বিশ্বাসকে পরিত্যাগ করার জগৎ বাধ্য করিতে পারে না। তিনি (চেয়ারম্যান মাও) বলেন যে, কোন শক্তি ইহা করিতেই পারে না। ইহা একেবারেই অসম্ভব ব্যাপার। সুতরাং পাকিস্তানী রাষ্ট্র বা সরকারের জগৎ ইহা কি ভাবে সম্ভব হইয়া যাইবে? ইহা একেবারেই অযৌক্তিক ব্যাপার। সুতরাং ইহার মধ্যে তাঁহাদের লিপ্ত হওয়া উচিত নয়। কি বলিবে চীন? কি বলিবে রুশ? কি বলিবে আমেরিকা? কি বলিবে সমগ্র বিশ্ব? এবং কি বলিবে এই দেশে বসবাসকারী সেই সংখ্যা গরিষ্ঠ স্মৃধী সমাজ? যাহা অযৌক্তিক, যাহা তোমাদের এখতেরার-ভুক্ত নয়, উহার সম্বন্ধে ফয়সালা করার প্রতি তোমরা কেন মনোনিবেশ করিয়াছ? বিশ্বের কথা আমি প্রথম বলিয়াছি; পাকিস্তানের সংবিধানের কথা পরে বলিব।

দ্বিতীয়তঃ ইউ, এন, ও, (জাতিসংঘ) যাহা হইতে মাত্র কয়েকটি দেশই বাহিরে আছে উহার মধ্যে জগদ্ধাতী সম্মিলিত ভাবে Human Rights বা মানবাধিকার সনদের ঘোষণা করিয়াছে এবং প্রত্যেক বৎসর মানব অধিকারের জগৎ একটি দিবস উদযাপন করা হয়। সেই সনদের উপর পাকিস্তান ও স্বাক্ষর দান করিয়াছে

এবং সেই সকল অধিকারকে স্বীকৃতি দিয়াছে। সেই Human Rights বা মানবাধিকার সনদের মধ্যে ইহা বলা হইয়াছে যে, বিশ্বের দেশ সমূহ সম্মিলিতভাবে ইহার জমানত বা নিশ্চয়তা দান করে যে প্রত্যেকটি মানুষের ধর্মীয় স্বাধীনতা থাকিবে। (আমি এখন ইচ্ছাকৃত ভাবেই শুধু ধর্মীয় স্বাধীনতার কথাই উল্লেখ করিতেছি, কি অর্থে ধর্মীয় স্বাধীনতা হইবে—তাহা আমি পাকিস্তানের বিষয় প্রসঙ্গে বলিব; পুনরাবৃত্তির প্রয়োজন নাই)। চীনের মত একটি দেশ যাহা জাগতিক সমৃদ্ধির দিক দিয়া একটি মহান দেশ, উহার নেতা চেয়ারম্যান মাও, যিনি তাঁহার সমস্ত জীবন তাঁহার জাতির কল্যাণার্থে উৎসর্গ করিয়াছেন এবং যাঁহাকে আল্লাহু তায়ালা সেই তীক্ষ্ণ দৃষ্টি ও দান করিয়াছেন যে, জগৎ অপর কোন কোন কমিউনিষ্ট দেশের মত তিনি ইহা বলেন নাই যে আখলাক বা নৈতিকতা আবার কি? বরং তিনি নৈতিকতার প্রয়োজনীয়তা ও গুরুত্বকে স্বীকার করিয়াছেন এবং আখলাক বা চারিত্রিক গুণাবলী কি, তাহাও বলিয়াছেন। আমি কারণ তো জানি না কিন্তু তিনি যে সকল চারিত্রিক বা নৈতিক গুণের নাম করিয়াছেন, তাহা সেই সমস্ত আখলাকই বটে যাহাদের সম্বন্ধে কুরআন করীম এবং নবী আকরাম (সাঃ আঃ) আমাদের বলাইয়াছেন যে, উহা উত্তম আখলাক। পূণঃ তিনি বলিয়াছেন যে, আমাদের সমাজের মধ্যে দুশ্চরিত্রতার কোন স্থান নাই। এমনকি একেবারে কোন মার্কিন সাংবাদিক

যখন চীনের একটি ক্যাঙ্করীতে জানিতে চাহিয়াছিলেন যে, যুবক-যুবতীগণ যখন এক সাথে পাশাপাশি কাজ করে, তখন তাহাদের মধ্যে অসং মিলন ঘটে কি না? তখন চীনা সাংবাদিক, যিনি সঙ্গে ছিলেন আশ্চর্যস্থিত হইয়া উত্তর করিলেন যে, ইহা কি রূপে সম্ভব? অর্থাৎ তাহাদের মস্তিষ্কে ঐ রকম কথা আসিতেও পারে না। মোট কথা, জাগতিক ভাবে উহা (চীন) একটি কত চরিত্রবান সমাজ।

আমার নিকট আখলাক বা নৈতিকতার ভিত্তি যেহেতু ধর্মের উপরে প্রতিষ্ঠিত এবং এখন যেহেতু কোরআন করীমের শরীয়ত ও হেদায়েতই প্রকৃত ও পরিপূর্ণ শরীয়ত ও হেদায়েত, সেই হেতু সমস্ত আখলাকের বুনয়াদ কুরআন করীমের হেদায়েতের উপরই স্থাপিত। কিন্তু ছুনিয়ারও কিছু নীতি আছে। তেমনি ধারায় চীন তাহার সামাজিক ভিত্তি উত্তম আখলাকের উপর রাখিয়াছে এবং সেই সকল আখলাকই তাহার মস্তিষ্কে আসিয়াছে। যাহাদের উপর ইসলাম গুরুত্ব আরোপ করিয়াছে। ফেরেশতাগণই হয়ত তাহার মস্তিষ্কে ঐ গুলি উদ্বেক করিয়াছে। কেননা আমাদের জীবন এবং ইহার প্রতিটি মুহূর্ত আল্লাহু তায়ালা হাতে। উহার বাহিরে আমরা যাইতে পারি না। অবশ্য একটি বিশেষ গণ্ডীর মধ্যে স্বাধীনতাও দেওয়া হইয়াছে। যদিও তাহারা খোদাকে মানে না, কিন্তু তাহাদের বুদ্ধি-বিবেচনা এই সত্যটিকে উপলব্ধি করিয়াছে যে, কোন আইন

প্রণয়ন করিয়া কাহাকেও তাহার নিজের স্ব ঘোষিত আকীদা বা ধর্মমত হইতে বিরত রাখা একটি জঘন্য অর্থোক্তিক ব্যাপার।

অবশেষে আমি পাকিস্তানের সংবিধানের সম্পর্কে বলিতেছি। পাকিস্তানের বর্তমান সংবিধান, যাহা জনগণের সংবিধান, যাহার জন্ম আমাদের প্রধান মন্ত্রী ভুট্ট সাহেব অত্যন্ত গর্বিত এবং উহা সেই সংবিধান যাহা তাহার ঘোষণা অনুযায়ী বিশ্বে পাকিস্তানের উচ্চ মর্যাদা প্রতিষ্ঠা করি এবং যাহা পাকিস্তানের সম্মান বৃদ্ধিরও কারণ, এহেন সংবিধান আমাদেরকে কি জানায়? ইহার ২০নং দফা হইতেছে:

(A) Every citizen shall have the right to profess, practise and propagate his religion, and

(B) Every Religious denomination and every sect there of shall have the right to establish maintain and manage its religious institutions.

[The constitution of the Islamic Republic of Pakistan, 1973 Page 22 & 23]

ইহার অর্থ এই যে, পাকিস্তানের প্রত্যেক নাগরিককে আমাদের এই সংবিধান যাহা আমাদের গর্বের কারণ, এই নিশ্চয়তা দান করে যে, যাহার যে ধর্মই হউক এবং নিজের জন্ম যে ধর্ম সম্বন্ধেই সে সিদ্ধান্ত গ্রহণ করুক, উহাই তাহার ধর্ম। (ভুট্টো সাহেব অথবা মুফতী মাহমুদ সাহেব কিংবা মওজুদী সাহেব যাহা ফয়সালা করেন, তাহা নহে বরং সে

নিজে যে ফয়সালা করে, উহাই তাহার ধর্ম এবং সে নিজে উহার ঘোষণা করার অধিকার রাখে। সে মুসলমান কিনা, তাহা ঘোষণা করার অধিকার এই সংবিধান তাহাকে দান করে এবং যদি সে এই ঘোষণা করে যে, সে মুসলমান, তাহা হইলে এই আইন বা সংবিধান, যাহার জন্ম পিপলস্ পার্টিও গর্বিত (এবং আমরাও গর্ব বোধ করি যে উক্ত দফা উহাতে অন্তর্ভুক্তি লাভ করিয়াছে) সেই সংবিধান বলে প্রত্যেক নাগরিকের ইহা ঘোষণা করার সমান অধিকার রহিয়াছে যে, সে মুসলমান অথবা মুসলমানদের মধ্যে সে ওহাবী, কিম্বা আহলে হাদিস, অথবা আহলে-কুবআন, অথবা বেরলবী ইত্যাদি তেয়াত্তরটির যে কোনো একটি ফেরকাতুল্লে, কিম্বা সে আহমদী। ধর্মীয় স্বাধীনতা বলিতে ইহাই বুঝায়। ধর্মীয় স্বাধীনতা বলিতে আজিকার মানুষ ইহাই বুঝে যে, প্রত্যেক ব্যক্তির এই সম্পর্কে সিদ্ধান্ত গ্রহণ করা তাহার নিজের ব্যক্তিগত কাজ যে সে মুসলমান কিনা? সে খৃষ্টান কিনা? সে ইহুদী কিনা? সে হিন্দু কিনা? সে বৌদ্ধ কিনা? অথবা সে নাস্তিক কিনা? এসম্পর্কে সে নিজেই ঘোষণা করিবে যে, কোন ধর্মের সহিত তাহার সম্বন্ধ। এবং ছুনিয়ার কোন শক্তি বরং ছুনিয়ার সকল শক্তি মিলিয়াও তাহার উক্ত অধিকার ছিনাইয়া নিতে পারে না। এই কথাটিই ঘোষণা করে আমাদের (পাকিস্তানের) আইন বা সংবিধান। পূর্বেই জাতি

সংঘ ঘোষণা করিয়াছে এবং এখন আমাদের আইন ও সংবিধানও এই ঘোষণা করিতেছে যে, প্রত্যেক ব্যক্তিরই এই অধিকার রহিয়াছে যে, সে যে মুসলমান, ইহার ঘোষণা করা ও নিজের ধর্ম-বিশ্বাস (আকীদা) অনুযায়ী এবাদত সমূহ পালন করা এবং সেই মোতাবেক নিজের জীবন যাপন করা। দৃষ্টান্ত স্বরূপ, একজন আহমদী বলিতে পারে যে, সে পাঁচ ওক্ত নামায পড়িবে হাত বাঁধিয়া। একজন মালেকী বলিতে পারে যে, সে পাঁচ ওক্ত হাত ছাড়িয়া নামাজ পড়িবে এবং একজন শিয়া তাহার ধর্মমত অনুযায়ী তাহার কথা বলিবে। মোট কথা, ধর্ম সম্বন্ধে প্রত্যেক ব্যক্তির ইহা বলার অধিকার রহিয়াছে যে, তাহার ধর্ম কি? সে বলিতে পারিবে যে, তাহার ধর্ম ইসলাম। কিন্তু আইন অনুযায়ী ইহা বলারও তাহার অধিকার আছে যে, সে শিয়া মুসলমান, বা সে সুন্নী মুসলমান অথবা সুন্নীদের মধ্যে হয় দেউবন্দী, নয় তো বেরলদী, নয় তো আহলে-হাদীস, অথবা ওহাবী মুসলমান, অথবা অন্য কোন ফেরকার সহিত তাহার সম্বন্ধ। (বলা হইয়া থাকে যে ফেরকার সংখ্যা তেয়ত্তরই থাকে, উহাদের মধ্যে কিছু বিলুপ্ত হয়, আবার কিছু নূতন গড়িয়া উঠে)। মোট কথা, ধর্মীয় স্বাধীনতার অর্থ এই বুঝায় যে, প্রত্যেক ব্যক্তির স্বাধিকার রহিয়াছে ইহা বলার যে, সে অমুক ধর্মের অনুসারী এবং এ বিষয়ে ছনিয়ার কোন শক্তি,

কোন সরকার বা রাষ্ট্র হস্তক্ষেপ করিতে পারে না। বরং প্রত্যেক নাগরিকের ইহা আইনানুগ ও সংবিধান সম্মত অধিকার যে, সে তাহার নিজ মুখে ইহা ঘোষণা করিতে পারিবে যে, অমুক ফেরকার সঙ্গে তাহার সম্বন্ধ এবং তাহার নিজ বিশ্বাস ও আকীদা অনুযায়ী সে তাহার এবাদত সমূহ পালন করিবে এবং তাহার জীবন যাপন করিবে। তেমনিভাবে এই অধিকারও তাহার আছে যে সে তাহার ধর্মমত অনুযায়ী তবলীগ (প্রচার কাজ) করিবে। এবং কানুন বলে যে, এমন ভাবে তবলীগ করিবে না যাহার জঘ ফেসাদ ও অশান্তির সৃষ্টি হয়। কানুন বলে, কাহারও প্রতি মিথ্যা করিয়া ধর্মমত আরোপ করিও না। এবং যে ফেরকার বা যে ধর্মের সঙ্গে সে সম্পর্ক রাখে, সে ধর্ম যদি তাহাকে এই নির্দেশ দেয় যে, গাল-মন্দ দিও না, তাহা হইলে সে যেন গাল-মন্দ না দেয়। উহা যদি বলে যে, উত্তেজিত হইও না, তাহা হইলে সে যেন উত্তেজিত না হয়। কিন্তু কানুন ইহা বলিতে পারে না যে, তোমরা তবলীগই করিতে পারিবে না। কেননা সংবিধানে বর্ণিত Propagate শব্দের অর্থ এই যে, যদি যুক্তি প্রমাণ কাহাকেও অকৃষ্ট ও মুদ্ব করে, তাহা হইলে তাহার জঘ এই অনুমতিও থাকিতে হইবে যে, সে যেন সেই যুক্তি ও প্রমাণ সমূহ Profess করার বা স্বীকার করার ঘোষণা করিতে পারে। অর্থৎ, Propagate-এর সম্পর্ক

Profess এর সহিত হইয়া থাকে। অল্প ক্ষেদ (বি) হইতেছে এই যে, প্রত্যেক ধর্ম এবং উহার প্রত্যেকটি ফেরকার এই অধিকার রহিয়াছে যে, উহা নিজস্ব ধর্মীয় প্রতিষ্ঠান সমূহ স্থাপন করিতে পারে, উহাদের পরিচালনা ও ব্যবস্থাপনা করিতে পারে, উহাদের জন্ম ব্যয় করিতে পারে এবং এ সম্পর্কিয় অছাশ্র ব্যবস্থাও গ্রহণ করিতে পারে। আমাদের আইন বা সংবিধান আমাদের সরকারকে, আহমদীগণ মুসলমান কি না ইহা ফয়সালা করার অধুমতি দেয় না। আমাদের সংবিধান প্রত্যেক আহমদীকে অবশ্য ইহা ঘোষণা করার অধুমতি দান করে যে, সে মুসলমান, এবং ইহার পর পাকিস্তানী সরকারের একথা বলার কোনই অধিকার বর্তায় না যে, আহমদী মুসলমান নহে। পাকিস্তান সরকারের এই কানুন রচনার অধিকার আছে যে, জামাত আহমদীয়া ওহাবী নহে। ইহা বলারও উহার অধিকার আছে যে, আহমদীগণ শিয়া নহে। কেননা আমরা আহমদীগণ এই 'প্রফেস' করি (অর্থাৎ এই আকীদা বা বিশ্বাস পোষণ ও ঘোষণা করি) যে, আমরা আহমদী, ওহাবী বা শিয়া নহি। সুতরাং সরকারের ইহা বলার অধিকারও আছে যে, আহমদীগণ আহলে হাদিস নহে, দেউবন্দী নহে, বেবেরলবী নহে, ইত্যাদি। যে সম্বন্ধে আমরা অস্বীকৃতি জানাইয়াছি, তাহা আমাদের দিকে আরোপ করিয়া সরকার আমাদের অস্বীকৃতির কথা ঘোষণা করিতে পারে। তেমনিভাবে আমরা যে কথার স্বীকৃতি জানাইয়াছি, তাহা

আমাদের দিকে আরোপ করিয়া সরকার আমাদের স্বীকৃতির কথা ঘোষণা করিতে পারে।

আহমদীয়া জামাতের পবিত্র প্রতিষ্ঠাতা হযরত মসিহ মওউদ (আঃ) নিজের সম্বন্ধে ঘোষণা করিয়াছেন—“আমরা আহমদীয়া জামাত বা ফেরকার মুসলমান”। আর একটি জায়গায়ও অনুরূপ ভাবে বলিয়াছেন—“আহমদী জামাত বা ফেরকার মুসলমান”। কাজেই সমগ্র বিশ্বের আহমদী বলিবে—“আমরা আহমদী জামাত বা ফেরকার মুসলমান”। ছুনিয়ার কোন সরকারের একথা বলার কোনই অধিকার নাই যে, তোমরা আহমদী জামাত বা ফেরকার মুসলমান নহ।

সুতরাং, হাজারো আদব, শ্রদ্ধা এবং বিনয়ের সহিত এই সাধারণ বুদ্ধির কথাটি আমরা সরকারের কর্ণগোচর করিতে চাই যে, যে কথার অধিকার তোমাদিগকে মানব প্রকৃতি ও বিবেক-বুদ্ধি দান করে নাই, যে কথার অধিকার বিশ্বের সরকার ও রাষ্ট্র সমূহের কার্যধারাও অমুমোদন করে নাই, যে কথার অধিকার তোমাদিগকে জাতিসংঘের মানবাধিকার সনদ, যাহার উপর তোমাদের স্বাক্ষর আছে, দান করে নাই, চীনের মত মহান রাষ্ট্র, যাহা মুসলমান না হওয়া সত্ত্বেও এই ঘোষণা করে যে, কাহারও এই অধিকার নাই যে, কোন ব্যক্তি 'প্রফেস' একটা কিছু করিবে, কিন্তু তাহার প্রতি আরোপ অশ্র কিছু করা যাইবে। আমি বলিতেছি, 'আমি মুসলমান'

কে আছে ছুনিয়াতে, যে বলিবে, আমি মুসলমান নই? ইহা কেমনতর যুক্তির কথা!! ইহা এতই অযৌক্তিক যে, বাঁহারা নাস্তিক, তাঁহারাও ইহার অযৌক্তিকতা বুঝিতে পারিয়াছেন। সুতরাং, তোমরা সেই কাজ করিতে কেন উদ্যত হও, যাহা করার অধিকার তোমাদিগকে তোমাদের সংবিধান দান করে নাই—সেই সংবিধান, যাহা তোমরা তোমাদের হাতে তুলিয়া ধরিয়া ছুনিয়ার সামনে ঘোষণা করিয়াছিলে যে, দেখ, কত উত্তম, কত সুন্দর এই সংবিধান। আজ এই সংবিধানকে অপমানিত ও ধূলিবিলুপ্তি করার চেষ্টা করিও না, এবং এই ঝামেলায় পড়িও না। ইহাকে খোদার উপরে ছাড়িয়া দাও। কেন না ধর্ম হৃদয়ের ব্যাপার। খোদাতায়ালা স্বীয়

কার্যের দ্বারা প্রমাণ করিবেন, কে মোমেন এবং কে কাফের? হযরত মসিহ মওউদ (আঃ)-এর জমানায়ও যখন এই ধরনের হট্টগোল উঠিত, তখন তিনি এক জায়গায় লিখিয়াছেন যে, এখানে কেন এই হট্টগোল তুলিয়াছ? শান্তি, সম্প্রীতি ও নিরাপত্তা এবং সমঝোতার ভিতর দিয়া এখানে জীবন যাপন কর। যখন আমরা ইহজগত পরিত্যাগ করিব এবং আল্লাহ্‌তায়ালা সমীপে উপস্থিত হইব, তখন ইহা নিজে নিজে স্মৃপষ্ট হইয়া যাইবে যে, কে মোমেন, আর কে কাফের?

(সাপ্তাহিক 'বদর' কাদিয়ান, ১১ই জুলাই, ১৯৭৪ ইং)

অনুবাদ: আহমদ সাদেক মাহমুদ,
সদর মুক্কাব্বী।



“মুহাম্মদীয় নবুয়াত ব্যতিরেকে সমস্ত নবুয়াতের দুয়ার বন্ধ”

“আমি যদি হযরত মুহাম্মদ (সাঃ)-এর উম্মত না হইতাম এবং তাঁহার পায়রবী (আনুগত্য) না করিতাম, অথচ পৃথিবীর সমস্ত পর্বতের সমষ্টি বরাবর আমার পূণ্য কর্মের উচ্চতা ও ওজন হইত, তাহা হইলেও আমি কখনও খোদার সহিত বাক্যালাপ ও তাঁহার বাণী লাভের সম্মানের অধিকারী হইতে পারিতাম না। কেননা এখন মুহাম্মদীয় নবুয়াত ব্যতিরেকে অপর সমস্ত নবুয়াতের দুয়ার বন্ধ হইয়া গিয়াছে। শরীয়ত লইয়া আর কোন নবী আসিতে পারেন না। অবশ্য, শরীয়ত ব্যতিরেকে নবী হইতে পারেন। কিন্তু এইরূপ নবী শুধু তিনিই হইতে পারেন, যিনি প্রথমে রসূল করীম (সাঃ)-এর উম্মতী (অনুবর্তী) হইবেন।”

—হযরত মসিহ মওউদ (আঃ) [তাজাল্লিয়াতে এলাহিয়া পৃ: ২৬]

সংবাদ

বন্যা : ত্রান তৎপরতা আমাদের কর্তব্য

দুই মাস অতীত হইয়া গিয়াছে। এখনও দেশব্যাপী বন্যার তাণ্ডব বাড়িয়া চলিয়াছে। বন্যা-পীড়িত মানবজাতির আত-হাহাকারে আসমান ভরিয়া উঠিয়াছে। আত-মানবতার সাহায্যার্থে ছুনিয়া বাসী তাঁহাদের দরাজ দস্ত সম্প্রদায় করিতে শুরু করিয়াছেন। আমাদের তরফ হইতেও বন্যা-পীড়িত দেশবাসী ভাই বোনদের সাহায্যার্থে ব্যক্তিগত ভাবে এবং জামাত গত ভাবে যথাসাধ্য আগাইয়া যাইতে হইবে। অবশ্য, ইতিমধ্যে বাংলাদেশ আঞ্জুমানের তরফ হইতে রিলিফ সামগ্রী সহ একটি রিলিফ টিম জনাব শহীদুর রহমান সাহেবের নেতৃত্বে ব্রাহ্মণবাড়ীয়া অঞ্চলে চলিয়া গিয়াছে ইহা ছাড়া বাংলাদেশ আঞ্জুমানের আহমদীয়ার পক্ষ হইতে প্রধান মন্ত্রী তহ-বিলে কিছু টাকা দান করাও হইয়াছে। বন্ধুগণ নিজ নিজ এলাকায় সাধ্যমত ত্রাণ তৎপরতা জারী রাখিবেন এবং জাতিধর্ম নির্বিশেষে সকল মানুষের ভালাইর জন্ত দোয়া করিতে থাকিবেন—ইহাই মোহতারম আমীর সাহেবের ইচ্ছা ও নির্দেশ। তিনি রোগশয্যায় শায়িত থাকিয়া দিব্যরাত্র জামাতের সকল ভ্রাতা-ভগ্নি ও দেশবাসীর জন্ত দোয়া করিতেছেন। আপনারা হয়ত জানেন যে, এবারের বন্যাকে মানবজাতির জন্ত একটি চ্যালেঞ্জ বলিয়া বর্ণনা করিয়াছেন লীগ অব রেড ক্রসের সেক্রেটারী জেনারেলের বিশেষ প্রতিনিধি মিঃ ক্রুম হেনসেন। দেশের অনেক নেতৃস্থানীয় ব্যক্তি

ইহাকে জাতির দুর্ভোগ হিসাবে বিবেচনা করিতেছেন। কেহ কেহ ইহাকে খোদার গজব বলিয়া আখ্যায়িত করিয়াছেন এবং খোদা-তায়ালায় দরবারে প্রার্থনা করিবার জন্ত দেশ বাসীকে আহ্বানও জানাইয়াছেন। আমাদের ও তো ইহাই বিশ্বাস যে ইহা খোদার গজব। সুতরাং বাংলাদেশ তথা বিশ্বের সকল অধিবাসী যে পছা অবলম্বন করিলে খোদাতায়ালায় এই গজব হইতে পরিত্রান পাইবেন খোদা যেন স্বয়ং তাঁহার অপার করুণার দ্বারা জগৎ বাসীকে সেই পথেই পরিচালিত করেন। দোয়া করিতে থাকুন খোদার খাস ফজলে মানবজাতির হৃদয়ের সকল অন্ধকার যেন ঘুচিয়া যায়। তাহারা যেন আজ খোদা প্রেরিত মহাপুরুষের ডাকে সাড়া দিয়া খোদার রহমত লাভ করিয়া মুক্তিলাভে সমর্থ হয়। খোদা তুমি এমনই কর। আগত সেই প্রতিশ্রুত মহাপুরুষ মসীহ ও মাহ্দী (আঃ)-এর সম-য়োচিত মাত্র একটি সতর্কবাণীর স্মরণ এই প্রদক্ষে না বলিয়া পারিতেছি না। তিনি দরদ ভরা দীলে বলিয়াছেন :

“আসন্ন প্লাবন হইতে কোনো তরী আর বাঁচাইতে পারিবে না।

সকল চেপ্টা নিঃফল এখন শুধু মাত্র অনুতাপ গ্রহণ কাবীর (আল্লার) দিকের পথটাই খোলা রহিয়াছে।”

(ছঃরে সন্নীন)

শাহ মুস্তাফিজুর রহমান

আহমাদীয়া জামাতের ধর্ম-বিশ্বাস

আহমাদীয়া জামাতের প্রতিষ্ঠাতা হযরত মসিহ মওউদ (আ:) তাঁহার “আইয়ামুস্ সুলেহ” পুস্তকে বলিতেছেন :

“যে পাঁচটি স্তম্ভের উপর ইসলামের ভিত্তি স্থাপিত, উহাই আমার আকিদা বা ধর্ম-বিশ্বাস। আমরা এই কথার উপর ঈমান রাখি যে, খোদাতায়াল্লা ব্যতীত কোন মা'বুদ নাই এবং সাইয়েদেনা হযরত মোহাম্মাদ মুস্তাফা সাল্লাল্লাহু আলাইহে ওয়া সাল্লাম তাঁহার রসূল এবং খাতামুল আশ্বিয়া (নবীগণের মোহর)। আমরা ঈমান রাখি যে, ফেরেস্তা, হাশর, জান্নাত এবং জাহান্নাম সত্য এবং আমরা ঈমান রাখি যে, কোরআন শরীফে আল্লাহ্‌তায়াল্লা যাহা বলিয়াছেন এবং আমাদের নবী সাল্লাল্লাহু আলাইহে ওয়া সাল্লাম হইতে যাহা বর্ণিত হইয়াছে, উল্লিখিত বর্ণনামুতাবে তাহা যাবতীয় সত্য। আমরা ঈমান রাখি, যে ব্যক্তি এই ইসলামী শরীয়ত হইতে বিন্দু মাত্র কম করে অথবা যে বিষয়গুলি অবশ্য-করণীয় বলিয়া নির্ধারিত, তাহা পরিত্যাগ করে এবং অবৈধ বস্তুকে বৈধ করণের ভিত্তি স্থাপন করে, সে ব্যক্তি বেঈমান এবং ইসলাম বিদ্রোহী। আমি আমার জামাতকে উপদেশ দিতেছি যে, তাহার যেন শুদ্ধ অন্তরে পবিত্র কলেমা ‘লা-ইলাহা ইল্লাল্লাহু মুহাম্মাদুর রসূলুল্লাহু’ এর উপর ঈমান রাখে এবং এই ঈমান লইয়া মরে। কোরআন শরীফ হইতে যাহাদের সত্যতা প্রমাণিত, এমন সকল নবী (আলাইহেমুস সালাম) এবং কেতাবের উপর ঈমান আনিবে। নাগায, রোজা, হজ্জ ও যাকাত এবং তাহার সহিত খোদাতায়াল্লা এবং তাঁহার রসূল কর্তৃক নির্ধারিত যাবতীয় কর্তব্য সমূহকে প্রকৃতপক্ষে অবশ্য করণীয় মনে করিয়া এবং যাবতীয় নিষিদ্ধ বিষয় সমূহকে নিষিদ্ধ মনে করিয়া সঠিকভাবে ইসলাম ধর্মকে পালন করিবে। মোট কথা, যে সমস্ত বিষয়ের উপর আকিদা ও আমল হিসাবে পূর্ববর্তী বুজুর্গানের ‘এজমা’ অথবা সর্ববাদি-সম্মত মত ছিল এবং যে সমস্ত বিষয়কে আহলে সুন্নত জামাতের সর্ববাদি-সম্মত মতে ইসলাম নাম দেওয়া হইয়াছে, উহা সর্বতোভাবে মাস্তুর করা অবশ্য কর্তব্য। যে ব্যক্তি উপরোক্ত ধর্মমতের বিরুদ্ধে কোন দোষ আমাদের প্রতি আরোপ করে, সে তাকওয়া এবং সততা বিসর্জন দিয়া আমাদের বিরুদ্ধে মিথ্যা অপবাদ রচনা করে। কেয়ামতের দিন তাহার বিরুদ্ধে আমাদের অভিযোগ থাকিবে যে, কবে সে আমাদের বুক চিরিয়া দেখিয়াছিল যে, আমাদের এই অঙ্গীকার সত্ত্বেও, অন্তরে আমরা এ সবার বিরোধী ছিলাম?”

“আলা ইন্না লানাতাল্লাহে আলাল কাফেরীনাল মুফতারিয়ীন”—

(অর্থাৎ—“সাবধান নিশ্চয়ই মিথ্যা রটনাকারী কাফেরদের উপর আল্লাহ্‌র অভিশাপ।)।”

(আইয়ামুস্ সুলেহ, পৃ: ৮৬-৮৭)

Published & Printed by Md. F. K. Mollah at Ahmadiyya Art Press,
for the proprietors, Bangladesh Anjuman-e-Ahmadiyya.

4, Bakshibazar Road, Dacca—1

Phone No. 283635

Editor : A. H. Muhammad Ali Anwar.